



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

ODLUKA
O DAVANJU SAGLASNOSTI NA UGOVOR O USTUPANJU NA PRIVREMENO
KORIŠTENJE MOTORNOG VOZILA MARKE MERCEDES BENZ SPRINTER
(Prijedlog)

Predlagač: Gradonačelnica

Obradivač: Gradska služba za opću upravu
i zajedničke poslove

Sarajevo, oktobar 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. i člana 76. Statuta Grada Sarajeva („Službene novine Kantona Sarajevo“, broj 7/23), Gradsko vijeće Grada Sarajeva na __. sjednici održanoj dana __. __.2023. godine, donijelo je:

(Prijedlog)

ODLUKU
O DAVANJU SAGLASNOSTI NA UGOVOR O USTUPANJU NA PRIVREMENO
KORIŠTENJE MOTORNOG VOZILA MARKE MERCEDES BENZ SPRINTER

Član 1.
(Predmet Odluke)

Gradsko vijeće Grada Sarajeva daje saglasnost na tekst Ugovora o ustupanju na privremeno korištenje motornog vozila marke Mercedes Benz Sprinter.

Član 2.
(Ovlaštenje za potpisivanje Ugovora)

Gradsko vijeće Grada Sarajeva daje ovlaštenje gradonačelnici Grada Sarajeva da u ime i za račun Grada Sarajeva potpiše Ugovor o ustupanju na privremeno korištenje motornog vozila marke Mercedes Benz Sprinter, čiji je tekst sastavni dio ove odluke.

Član 3.
(Stupanje na snagu Odluke)

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVALJUĆI GRADSKOG VIJEĆA

Jasmin Ademović

Broj:
Sarajevo, __. __.2023. godine

OBRAZLOŽENJE

Pravni osnov

Pravni osnov za donošenje ove odluke sadržan je u odredbi člana 31. Statuta Grada Sarajeva („Službene novine Kantona Sarajevo” broj 7/23) kojom je propisano da Gradsko Vijeće Grada Sarajeva donosi odluke, druge propise i opće akte i daje njihovo tumačenje, te je nadležno za upravljanje i raspolaganje imovinom Grada Sarajeva. Pravni osnov je sadržan i u članu 76. Statuta Grada Sarajeva kojim je propisano da imovinu Grada Sarajeva čine pokretna i nepokretna imovina, da je nosilac prava raspolaganja imovinom Grada Sarajeva Gradsko Vijeće Grada Sarajeva, te da imovinom Grada Sarajeva upravlja Gradsko Vijeće Grada Sarajeva, u skladu sa zakonom i drugim propisima, te u interesu lokalnog stanovništva s pažnjom dobrog domaćina.

Razlozi donošenja

JP „Olimpijski bazen Otoka” d.o.o. Sarajevo, kao javno preduzeće čiji osnivač je Grad Sarajevo, obratilo se Gradu Sarajevu molbom za ustupanje vozila marke Mercedes Benz Sprinter, a koji se nalazi u vlasništvu Grada Sarajeva. U Zahtjevu se navodi da bi se vozilom svakodnevno vršio prijevoz djece u sklopu Projekta škole plivanja te za Projekat za djecu sa poteškoćama u razvoju. Grad Sarajevo i općine sa područja Kantona Sarajevo već godinama učestvuju u realizaciji Projekta škola plivanja u okviru kojeg je svim učenicima četvrtih razreda osnovne škole obezbijeđena besplatna škola plivanja, a u toku su i aktivnosti na realizaciji projekat u okviru kojeg bi škola plivanja obuhvatila i djecu sa poteškoćama u razvoju.

Podnosilac Molbe je posebno istakao da se predmetno vozilo ne bi koristilo u komercijalne svrhe te da bi upotreba istog bila isključivo humanitarnog karaktera.

Grad Sarajevo je vlasnik vozila marke Mercedes Benz Sprinter 19+1 Comfort Plus 416 CDI vozilo/Dizel, Model: 2017; broj motora: 65195534194653, broj šasije: WDB9066571P510902; boja bijela. Predmetno vozilo je Ugovorom o poklonu, broj: 01-14-2819/18 od 15.05.2018. godine, poklonjeno Gradu Sarajevu od strane Unije turskih općina.

Obzirom na činjenicu da se u konkretnom slučaju radi o imovini Grada Sarajeva kojom upravlja i raspolaže Gradsko vijeće Grada Sarajeva, na tekst prijedloga ugovora pribavljeno je mišljenje Pravobranilaštva Grada Sarajeva, broj: 03-08-M-90/23 od 02.10.2023. godine, shodno kojem se predlaže Gradskom vijeću Grada Sarajeva usvajanje ove odluke.

Finansijska sredstva

Za realizaciju ove odluke nisu potrebna finansijska sredstva.

Ugovor o ustupanju na privremeno korištenje motornog vozila marke Mercedes Benz Sprinter

1. GRAD SARAJEVO, Sarajevo, Hamdije Kreševljakovića broj 3, kojeg zastupa gradonačelnica prof. dr. Benjamina Karić (u daljnjem tekstu: „Davalac“)
2. JP „OLIMPIJSKI BAZEN OTOKA“ d.o.o. Sarajevo, Bulavar Meše Selimovića broj 83-b, kojeg zastupa direktor Avdija Hasanović (u daljnjem tekstu: „Primalac“)

Član 1.

Motorno vozilo marke Mercedes Benz Sprinter 19+1 Comfort Plus 416 CDI vozilo/Dizel, Model: 2017, broj motora: 65195534194653, broj šasije: WDB9066571P510902; boja bijela u vlasništvu Davaoca, daje se na privremeno korištenje, bez naknade, Primaocu u svrhu realizacije projekta Škole plivanja u Kantonu Sarajevo i Projekta za djecu sa poteškoćama u razvoju te se u druge svrhe ne može koristiti.

Član 2.

Davalac daje vozilo iz člana 1. Ugovora Primaocu na privremeno korištenje u trajanju od dvije (2) godine sa mogućnošću produženja.

Član 3.

Primalac se obavezuje da će prilikom korištenja povjerenog vozila prema istom postupati sa pažnjom dobrog domaćina.

Sve troškove registracije, osiguranja, održavanja tehničke ispravnosti, servisiranja i sve ostale troškove i obaveze koje proisteknu po osnovu upotrebe vozila (oštećenja i slično), snositi će Primalac. O eventualnim oštećenjima i popravcima, Primalac se obavezuje dostavljati Davaocu kraće pisane izvještaje.

Član 4.

Primalac ne može vozilo davati na poslugu drugom fizičkom ili pravnom licu.

Član 5.

Primalac je dužan da vrati vozilo iz člana 1. Ugovora nakon isteka vremena korištenja propisanog članom 2. Ugovora.

Prije isteka roka, Davalac može da raskine ovaj ugovor ako Primalac vozilo koristi protivno svrsi koja je ugovorena.

Primalac i prije isteka roka može da vrati vozilo iz člana 1. Ugovora, osim u slučaju kada bi to za Davaoca predstavljalo teret ili mu prouzrokovalo štetu.

Vozilo iz člana 1. Ugovora vratit će se u stanju u kojem je primljeno, ne računajući trošenje nastalo njegovom stalnom upotrebom o čemu se sačinjava poseban zapisnik.

Član 6.

U slučaju otkaza Ugovora, sa ili bez navođenja razloga njegovog raskida, ugovara se otkazni rok od petnaest (15) dana, koji se računa od dana prijema otkaza kod druge ugovorne strane.

Član 7.

Sve eventualne sporove iz ovog ugovora ugovorne strane će rješavati sporazumno.

U slučaju da ugovorne strane ne postignu sporazum, eventualne sporove rješavat će nadležni sud u Sarajevu.

Član 8.

Na sva prava, obaveze i odgovornosti koja nisu uređena ovim ugovorom, primjenjivat će se odredbe Zakona o obligacionim odnosima.

Član 9.

Ovaj ugovor stupa na snagu danom potpisivanja.

Član 10.

Ovaj ugovor sačinjen je u četiri (4) istovjetna primjerka, od kojih svaka ugovorna strana zadržava po dva (2) primjerka.

DAVALAC
GRAD SARAJEVO
GRADONAČELNICA

PRIMALAC
JP „OLIMPIJSKI BAZEN OTOKA“
d.o.o. SARAJEVO
DIREKTOR

Prof. dr. Benjamina Karić

Avdija Hasanović

Broj:
Sarajevo,

Broj:
Sarajevo,